

秋

佳

軒

詩

餘

秋佳軒詩餘卷四

金陵易震吉月槎著

濮水南洙源岸覺點

念奴嬌

讀稼軒集用大江東去韻

期思渡口來青兕。共詫天生神物。疊嶂西馳。旋  
萬馬。壓倒東坡赤壁。婢子琵琶。兒童感策。那解  
陽春雪。紹興相望。如公應號詞傑。○公豈僅僅

人往寺中  
詞人八陵二聖忠憤漫胸發。陡把大聲呼海內。  
燄一颺吹滅。著作其餘風流婉約。寫出心如  
髮。伊人安在。瓢泉猶炤秋月。

飲黃鶴樓

崇樓孤出。被青蓮曾用一拳搥碎。仙客酒闌無  
處倚。去跨雲中鶴背。千里故園。百年今日。太守  
招余醉。江山如此。斜暉剛駐杯內。○何物變起  
庭飛書傳羽。屢促干戈隊。安得洗兵多壯士。

談笑圍棋相對。疎樹漢陽芳洲。鸚鵡詩句思先。  
葦灘聲風惡。漁燈猶自明晦。

### 秋雨

蕉梧還可。這窻櫺紙薄。不禁頻打。拖帶西風來。  
颯沓。浪戰虛檐鐵馬。庭礎潤收。琴書雲冷。勝似  
黃梅夏。曲塘泉細。今朝新溜添也。○杜老作歎。  
何心。菊田桂苑。一滴應無價。幸得餘蛙停鬧鼓。  
堪坐草堂簾下。點入疎荷聲催佳咏。時候真瀟

灑巴山夜話詩人亦有然者。

送別

龍泉腰下值今朝。欲共長途風吼。蓬華斷難淹。  
我輩落落一軀非偶。綠髻談經。青雲射策。試展  
擎天手。山川驛路。有心去歷奇陡。○駿足渾似  
飈馳。陽關三疊。還唱離亭否。滿眼春光。駘蕩甚。  
醉殺亭邊楊柳。南北東西。黃埃撲面。多少勞人。  
走不勞何用。豈容牖下成叟。

詠草

閒凭竹案。見庭前一片芳煙自喜。堆徑綠茵全  
未破。忍使踏殘芒履。翠帶環窻。池塘入夢。文士  
多親爾。王孫客路。萋萋光景如此。○看取春意  
將闌。平鋪階砌。襯落紅殘紫。微雨夜來。纔拭過。  
青色佛頭。堪比笑鬪嬌蛾。醉眠遊冶。占斷風流  
矣。日烘曉睡。詰朝珠露穿起。

春日同南岸覺飲小蘭亭

有亭小小學王家。環抱清流如玉修。襖古今三  
日事。竹葉甕頭春熟。休道晉人便教吾輩行樂  
應相勗。霎時花謝。浩歌聲振林木。○暢叙多少  
幽情。試看烟柳。幾箇黃鸝逐。吏散無妨雲際臥。  
猶勝因人碌碌。身後名虛。眼前罇滿。誰把來朝  
卜。水香紅泛。請君同濯雙足。

其二

多君豪爽。挾春風吹入茂林修竹。一脈養花天

氣膩。且坦池亭醉腹。樹色依人。波光度鳥。簡點  
尊前綠。山陰高會。至今猶在心目。○老子別有  
閒情。肯辜負了。這素琴棋局。忽忽禁烟時候也。  
筠簟單衣相促。聊閣薄書。併輕身世。雲在松溪  
逐。玉釭香嫩。取余頭上巾漉。

### 江行雪

朔風吹鴈。倚危檣驚看茫茫如此。俯仰盡歸無  
色。賁。借問紅塵那裏。瓊吐蛟涎。銀噴鼉沫。浪捲



花飛起。腐儒咋舌。裹棉擁褐而已。○應笑往歲  
騎驢探梅覓句。興到溪橋止。畢竟山陰開夜棹。  
千載興高無比。米芾有圖。寒江獨釣。我在圖中  
耳。酒甌方罄。且須吸盡江水。

### 東山卽事

家山靡靡。見余歸勃爾頓增雄傑。心折連天橫  
一片。只有殷勤下拜。春色纔臨。春聲偏脆。山外  
擔花賣。衰顛白未。枝兒要想斜戴。○高興典却

單衣。衣雖典盡。未了壚頭債。填壑填溝。無不可。  
堪笑老夫疎態。携妓登臨。徘徊往事。謝傅風流  
在。客遺疋錦。倩誰裁作詩袋。

### 送友人北上

酒邊花瘦。立江干。勒馬斜陽楓樹。一介得君爲  
密友。晨夕雅知心。素鶩挾飛霞。鴻參斷吹。冷落  
秋天路。劍裝雄發。等閒無此行具。○莫道龍可  
長眠。蓬萊雲氣。早向南陽布。千里關山。今握手。

催別林鴉休訴。報國孤忠。感時雙淚。相對渾傾。  
注。功名嫌晚。要君頻顧烏兔。

### 溪山放舟

山人性僻。把山間。這個廬兒鍾愛。一世之雄稱。  
跋扈。借問而今安在。駕隻蘭舟。溪南溪北。淡月  
輕烟載。沿溪楊柳。撩人故做春態。○吾豈匏瓜  
也哉。群峰遙列。宛轉探尋耐。却向舟中看更好。  
如髻又還如黛。若是扶危。須煩劍戟。願懇諸公

代盤餐一味。摘來些子。芹菜。

樓居

仙人自許。這襟情更上一層方快。雙目忽然勾  
引去。橫着青山天外。老去元龍。詩成王粲。此意  
誰人解。身雖無翼。超超如遠塵界。○遙想子美  
行藏。曾經獨倚。望裏生悲慨。醉後挑燈。頻看劍。  
斗接寒光。奇怪。拍徧闌干。狂呼月起。那見東岑  
礙。宿雲檐下。夜來堪與清話。

在野

一丘一壑。着區區算得乾坤三個。世外屈烟疎  
更淡。合伴松寒竹餓。問渡無緣。桃源深處。澗水  
浮花過。飛流千尺。明珠不惜頻唾。○客寄小小  
詩筒。往來者禮。依韻旋賡和。亂束殘英。聊當枕  
携向翠巖高臥。新搆孤茅。剛容瘦膝。燕雀寧勞  
賀。半生幽意。被雲輾轉窺破。

送友人歸

高陽朋輩。算黃金都付酒人家了。故國青山頻  
在念。肯道凝眸杳杳。爲客十年。出門一步。綠遍  
天涯草。未應遊倦。斜陽故看歸鳥。○何日乘興  
來耶。吾廬苔徑。特教家僮掃。明月幾曾分兩地。  
常是炤人懷抱。湖海萍飄。草堂星聚。相見終相  
好。嶺頭梅放。一枝須寄子早。

壽基君

南山雨歇。映琉璃鍾內翠濤翻起。一物壽君子

百歲許大盤根仙李。子晉風流。初平變化。似亦  
無堪齒。斑闌舞袖。翩翩看老萊子。○今夕盡醉  
何妨。清絃綺席。相聚成珠履。銀燭高燒。天不夜。  
片月又明如水。玉作梅粧。金搖柳線。連日春臨  
矣。年年懽會。畫堂新燕飛紫。

前題

先生仁者。羨春秋只是有加無已。江上草堂遲  
歲月。深得濁醪妙理。彭澤柴門。杜陵花徑。風景

依稀似。青藜頗健。相携時看雲水。○所謂松柏  
之姿。經霜彌茂。不類秋蒲靡。南極老人星自有。  
今炤軒窗櫺裏。壯盛回頭。多留暮景。一着高棋  
子。前山聲動。人傳笙鶴過矣。

自壽

南州迢遞。過家園恰遇月槎生日。最喜菊花天  
氣好。盤剝白鷗新栗。去日兒童。昔年親友。並是  
追懼匹。飲拚深夜。香醪杯底如蜜。○憶昨出守



天雄防河禦。請畫師中律。謬擬寇公親秉鎗。  
克鞏金湯十一。縱卸郡符。暫歸田里。又挂西江  
席。半生紛冗。嫁婚知否完畢。

慶清朝慢

詠菊

遲蕊凝黃。高雲放白。籬頭閒適秋情。遙看鴈行  
斜去。宇淨烟輕。囊錢方罄。誰將阿堵溷先生。休  
拋棄。天杯色泛。客袖香盈。○寂寞芙蓉江上。賴

伊相對。莖露染繁英。根底老蛩未歇。宵韻淒清。  
不似群妖無主。嫁風飄雪。亂春城。誰作伴。低枝  
簷際。綴幾金橙。

九日南岸覺招飲晚香堂

紅闌春葩。綠稠夏樹。風華轉眼凋傷。黃花滿枝。  
堪愛。晚節能芳。東籬無伴。夜深清寂。抗新霜。持  
螯賞。時賢雅讌。先輩名堂。○燕寢凝香。何暇憂  
民如病。甚日覩懽康。渺渺吾廬園徑。有待鋤荒。

試看秋容淡爽。百年風日幾重陽。須一醉難開  
笑口。忽墜山光。

木蘭花慢

晚泊

客槎維渡口。揮白扇。宛浮鷗。我雙槳東播。貪風  
利涉。抵暮方休。山城邑誰作令。聽琴聲。彈徹楚  
天秋。口腹莫將君累。烟雲暫許余留。○而今天  
下半師憂。洗甲挽河不。暫買醉江干。督郵亦可。

何必青州烹鮮鯽長一尺喜奚奴解向老漁謀  
心憶五湖風月全家欲上孤舟

客館螯尊

草頭兼八足隱寒水傍秋菰正場圃杭香盤盛  
巨腹酒貯深壺覺於重陽風日味偏佳勝却故  
鄉鱸紅擘膏流琥珀紫凝甲帶茱萸○須臾大  
嚼盡霜臍殘酌倚庭梧臍雨螯如戟持將左手  
舉盞狂呼酒壚葡萄初熟把金貂換去命奚奴

我本高陽儔侶。滿拚沉醉江湖。

九日飲洞庭湖畔

問今日何日。蛩聲急。鴈行高。向湖水傳觴。菊開  
籬落。葉下亭臯。蕭騷恰逢此節。憶龍山帽落首  
空搔。元亮有人送酒。劉郎不敢題糕。○陶陶磊  
隗已全消。萬事等秋毫。看洞庭一點。君山凝翠。  
出沒波濤。徒勞爾塵世上。只頻驅牛馬競錐刀。  
誰似狂夫耽醉。連朝左手持螯。

南浦

人日采石

橫江浪白。待東風一葉。傍磯頭。天外三山不遠。  
黛色已盈舟。載鶴載書而去。此輕帆何日挂中。  
流。聽前村鼙鼓。催將春至。老稚共嬉遊。○幾載  
非舟則陸。歎吾生萍梗任沈浮。一派江烟江月。  
飛鷺晚悠悠。梅縱着花寒尚峭。肯教輕卸木棉。  
裘。倩奚奴烹就暮潮新水。進茶甌。

最高樓

湖上

霏霏雨。山色有無中。一幅米南宮。買花錢擬評  
花價。賣花人遇妬。花風。木蘭舟。仍泊在。畫橋東。  
○我且去移舟看翠藻。我再去停舟看水鳥。湖  
面上。趣無窮。不辭酒殘頻相勸。何嘗詩料缺于  
供。却閒愁。留黑髻。肯成翁。

歸來

歸來矣。世務豈無諳。不作猛之談。水光飛去因  
招鷺。桑陰瘦了爲肥蠶。急追歡。年復一月過三。  
○已種得陶潛門外柳。又畜得濂溪池內藕。登  
月榭。臥雲庵。無腔唱箇村農曲。等閒肩起野樵  
擔。○山中人如是已。夢魂甘。

吾庵

身如夢。處世向來諳。風月快高談。卜居幸倚山  
和水。學農收得麥兼蠶。更從今。筠種十徑開三。



○每着箇棋兒消一日。每把箇杯兒消一夕。題  
蝶字。榜吾庵。客來厭作寒溫禮。嬾真全卸利名  
擔。愛清泉烹野茗。啜而甘。

### 荆扉

荆扉掩。日永午鐘聞。茶熟好香焚。鷗來每喜長  
爲友。竹涼何可暫無君。乞花書遺野客。許余分。  
○常試簡北山移細讀。還又愛輞川圖在目。閒  
裏事。恁殷勤。忘情久已眠幽石。有心期不得孤

雲再休從城市去惹塵氛。

夏日

如年晝蛙鼓雨餘聞。榴火日中焚杯傾綠蟻愁。  
消我花簪白髮笑從君。歷千秋丘壑一許誰分。  
○休更啟燃藜劉氏帙。休更捫換鵝王氏筆蓮。  
葉沼弄泉勤筠疎每灑些須露。溪空堪受許多  
雲又何煩商吹至掃炎氛。

閒情

之乎也。我笑腐儒酸馥。賸與膏殘。日中向背觀。  
菱芡。人情翻覆任波瀾。撫孤松。陶處士。恁盤桓。  
○倘敗了棋兒。還可喜。倘罄了餅兒。殊可恥。居  
數畝。半臨湍。且將薜荔裁新服。何妨神武掛峩  
冠。坐山窻。茶色嫩。竹聲乾。

咏竹

君奇甚。君與木非親。抑豈草之倫。心兒空了無。  
人見。皮兒青了四時春。咏猗猗。誰不愛。子猷真。

○我要聽幽聲輕瀉雪。還要看新梢輕弄月。思  
蔣徑。絕纖塵。貧囊苦買根來種。連朝頻放笋過  
隣。但休教俗士對惹君真。

舟行漫興

風檣動。荆楚路悠悠。一水縱余遊。馬呼我我應  
以馬。鷗忘我我亦爲鷗。月彎彎。舟婦唱。炤湖州。  
○取火也石頭兒却便。伐荻也岸頭兒却現。凌  
萬頃。浪花浮。堪憐入夏含秋意。何妨斟酒用茶

駢笑家僮。終日盼岳陽樓。

贈祝

華堂啓椿老八千年。持此壽高賢。春花秋月爲  
知己。清泉白石謝塵緣。羨冰姿如處子。藐姑仙。  
○每見拄杖藜時鼓腹。又見坐蒲團時閉目。真  
自在。得天全。兒孫靜課燈窗下。禽魚閒狎酒杯  
邊。更欣看歌舞內。綵衣鮮。

山寺夜坐

蛩吟切。冷露下如崩。一點小窻燈。敲鐘刻到僧。  
常準。叩扉聲有谷遙應。坐胡牀。清聽久。此心澄。  
○論古拙。無如窻外木。論瀟散。無如窻外竹。斯  
二者。是吾朋。軒開已在秋林杪。泉飛還落峭巖  
層。愛佳山。長閉戶。野雲凝。

贈祝

開芳讌。星見老人懸。青鳥復翩翩。閒庭松種龍  
鱗古。曲池春浴鶴翎鮮。望函關。來紫氣。自東邊。

○切莫負了銀箏翠管。更莫負了香醪玉盃。高  
燭。炤。共。畱。連。雖。將。野。趣。陶。詩。酒。未。應。心。事。老。林  
泉。願。仙。翁。從。此。壽。一。千。年。

北途曉發

雞鳴矣。池水漱餘醢。又促北途驂。旅顏忽被朝  
鴻慘。腐肌幸謝夜蚊貪。屢迴頭。歌一曲。望江南。  
○一樹樹黃來秋已老。一葉葉紅來秋正好。蹄  
已倦。我何堪。石橋架水霜初滑。錦囊藏句客頻

探憶昨宵風月下快清談。

秋夜

疎砧擣月下一聲聲。獨坐一更更。衰荷漸使莖  
兒折。老梧搖下葉兒輕。步空階。流片影。塞鴻征。  
○將小石看看強似嶺。將野水烹烹強似井。園  
徑趣。愜山情。栽筠之事誰輸蔣。夢松之驗合還  
丁。且持杯。消短燭。泛霜英。

九日途次



辭家後。竟日兩眉低。衰草馬頭迷。山城風雨還。  
重九菊花時。節尚羈栖。盼南雲。裁一紙。倩誰齎。  
○便帶着琴囊。慵去理。便帶着書箱。慵去啓。聊  
煮蟹。嚼霜臍。寒蜚欲共離魂語。平疇多屬古。漬  
犁歎。人生何不早。賦歸兮。

冬夜

更初打。人定下。霜時梅影弄寒枝。地爐酒煖新。  
湯沸。圖書月進小窻窺。一年間。燈火畔。此宵宜。

○我最想明年田裏麥還只望殘年天上雪。雲凍了太稽遲。不應瀉竹無幽響。故令停筆阻佳詩。擁綿衾聽遠鴈。一何悲。

詠竹

尊之也。故以君名焉。老子見猶憐。與梅爲友非花屬。與松爲友異中堅。信奇哉。蒼欲滴。靜娟娟。○有甚底藥來能治俗。縱博得肥來徒喫肉。無不可。此言然。會須闢出三條徑。等閒呼起七名

賢便從今休斲笋。更澆泉。

旅行

山雲白。秋草路傍生。日暮事孤征。還家空作無  
憑夢。出門非必有心營。這吟鞭。兼醉帽。故多情。  
○經過了前朝。凡幾寺。因看了斷碑。凡幾字。苔  
蘚厚。欠分明。遣懷幸挈囊中卷。療饑姑買市頭  
飴。正無勞。安邑令。遠相迎。

餞送

花驄走少駐待余籌。山驛更江郵。苟無三月難  
千里。須沽百錢醉雙眸。此青萍磨十載。贈君侯。  
○也不用躊躇相對立。也不用淒其相對泣。天  
下事。貴先憂。攻書白髮羞螢火。舉頭紅日在龍  
樓。論英雄。伊共我。甚曹劉。

留別

許長恨。裁作短歌行。君作楚舞聽。連牀風雨思  
疇昔。落花時節去飄零。暫維舟。春水曲。漾浮萍。

○最樂也。江湖無一事。尤慮也。親朋無一字。擡望眼。遠峰青。曳篷工。犯洪波險。打魚人。弄晚潮。腥。歎吾生。南北路。幾時停。

### 幽居

幽居好。芳草織山烟。客過雨餘天。水邊雙屐驚秋早。樓頭一榻得風偏。看池荷花灼灼。葉田田。○既沒有千丈擎天手。又沒有萬卷懸河口。安本分。合高眠。機惟忘了時。親鳥聲。將歇處。喜聞。

蟬夕陽時。村飯熟。牧童旋。

風入松

永城道中

秋花秋草總堪憐。歸路永城邊。吳頭豫尾江東近。關情是日暮雲烟。松菊別來存否。而今問訊殷然。○細腰粳米縮頭鱸。滋味隔多年。纓塵擬向清流濯。長江大容我畱連。暝色又投山驛。夜寒應聳吟肩。

清明

青帘曳動酒人情。沽酒趁清明。能紅能白花光  
競。聽啼過幾遍林鶯。隔岸踏青遊女。香羅飄逐  
風輕。○交飛海燕話新晴。徑草踐還生。畫橋碧  
水垂楊院。鞦韆架笑語傳聲。分付東風畱意。莫  
教吹落繁英。

九日雨花臺

遊人爭上雨花臺。風日信佳哉。瘦筇賸有登臨

意詩翁健。却也扶來。籬落黃敷艷菊。山坡翠疊。  
陳苔。○紗巾遮首。重徘徊。帘底市村。酩江天紅。  
日看看下。林鴉有幾陣飛回。最想萬年風趣。祇  
應沈醉尊罍。

其二

醉人頭上插茱萸。爭忍獨醒予。登高無取。將山  
擇綠山去。憑着籃輿。返炤晴烘木葉。清流冷浸  
芙渠。○香橙綠綴。蠃肥初懷抱。益瀟疎。枯喉坐



待杯中物。白衣氏曾否來歟。巖背草茵猶碧。寄  
言休舉秋鋤。

閒情

片帆江上季鷹歸。端爲就鱸肥。三山二水。渾無  
恙。漁樵便適我天機。蒼蘚砌深松徑。白雲守定  
柴扉。○薜蘿閒製野人衣。紙帳素屏圍。海翁自  
與鷗忘後。看鷗意。只傍翁飛。可歎奔馳不足。寧  
知城郭皆非。

客舍雨

貪斟村酒味終廉。行人欲暫淹。故園千里音塵  
隔。斜風勁。秋落葭萊。野水荷遮似蓋。疎簾雨織  
如簾。○須臾雲黑。楚山尖。得句筆堪拈。縮來白  
日。無長趣。看蝸篆。土壁新黏。滴破芭蕉。却好不  
教今夜愁添。

重陽前一日滁州道中

快風收雨釀新霜。明日便重陽。歌峰餽嶽。渾如

醉廬陵在。呼起何妨。隔水不知家近。携筇且爲  
山忙。○江城晚色。又相將。兒女辦萸囊。西疇稻  
熟。犁鋤罷。村醪賣。螃蟹膏黃。指點環滁風景。總  
堪題入詩章。

山中

山烟迷路客行稀。衰柳浪猶飛。秋風石甃青苔  
瘦。前朝寺。汲水僧歸。孤鶩竟投遙浦。空林欲網  
斜暉。○千峰紫翠並流輝。天際落霞微。牧人吹

箇無腔笛。怡然處。牛背蓑衣。忙裏經營何事。從頭簡點皆非。

青陽道上望九華山雲蔽

兼程侵曉到青陽。爲看九華忙。被誰竊負高峰遁。徘徊望空竭雙眸。想必六丁昨夜。無人暗裏移將。○與天同色杳茫茫。元是汝遮藏。苦無統扇天來大。搖風去。驅逐伊行。所幸寒廳徐舉。暫停山館持觴。

其二

華峯一見也難圖。濃墨似來塗。看山若會山之  
意。祇應這有有無無。間者闕焉久矣。可如斯而  
已乎。○崇巔驀地露些須。多謝好風驅。不然辜  
負青陽過。定乘興闖破模糊。東望歌呼不絕。老  
夫元是狂夫。

寒夜客友人園

客愁消去酒兼詩。幽步小園時。梅梢却掛寒宵

月山牆上。老影橫施。茶竈湯煎雪後。松風響入簾帷。○乾筠霜葉下層枝。書几短檠宜。江城鼓絕柴門閉。荒蘆岸。旅鴈歸遲。訪舊可憐如夢。明朝出戶何之。

眼前

松新竹惡。兩無妨。莫令徑成荒。眼前風景何嘗乏。拋人事。掃地焚香。每伴閒雲眠榻。醉呼明月傳觴。○鷗羣一片白相將。烟水自蒼茫。紅塵朝

市都飛遍。料難到五柳門牆。歌入歡時自舞。舞看酣處如狂。

過彭澤

此中作令憶先生。蕞爾占江清。胡爲八十朝而去。豈真屬五柳牽情。人世腰肢折盡。賴他今古孤撐。○歸來僮僕也歡迎。一首好辭成。柴桑僻地風烟淡。從無着蠅利蝸名。幾度經過延眺。匡廬遙向天橫。

然理庵

長松百尺半無枝。僧結宇於斯。雲來樹上無驚鳥。雲還去。鳥又何知。惠遠社客。耽酒已公。屋可裁詩。○瘦筇常與瘦軀隨。煙暝下山遲。茶瓜枕簟閒房小。塵緣淨。皓月清池。我亦蕭然斗笠圓。櫻坐每移時。

看山

看山忙裏愧吾身。落日送歸人。蘆花綠髻頻縈。



惹將無弄。假者成真。巖菊金能滴滴。江楓錦更  
鱗鱗。○愁呼倦馬逐埃塵。心憶故園尊。陪予一  
个天涯影。吟鞭動。風月來親。岑寂甕頭須破。主  
人竹葉香新。

本調

龍鱗霜坼樹蒼蒼。商吹夜來剛。微波隔處幽聲  
度。幾番聽。疑奏笙簧。況復清流高枕。耳邊俗韻  
都忘。○煙輕宇淨。老秋光。休更理琴囊。我來如

做陶家夢。山中相自命何妨。可解三株珍重石。  
橋南畔移將。

持願

持願閒聽杪秋蟬。隙地草堂偏。天風寒水無魚  
市。佳朋至。聊煮山泉。鬪茗欣賞色嫩。看渠把椀  
爭先。○談經虛腹愧便便。几席繞雲烟。黃花漸  
作籬頭色。堪憐處。霜倒池蓮。怪石不須多置。小  
窻一个如拳。

長至南陵道上

霜濃馬滑走南陵。一線此朝增。高天鴈下風初厲。郵程迫。冒冷晨興。隴麥青纔盈寸。如春冬日。堪蒸。○黃茅矮屋見雞登。屋角掛枯藤。寒山不受雲埋住。容雖瘦。骨聳棱棱。石澗猶存餘藻。兒童戲打層冰。

賞菊

雄哉戰退許霜威。籬落晚叢依。漫言竹葉終無

分床頭熟。賓歎柴扉。粧點重陽賴汝。况逢螭蟬  
爭肥。○渚蓮今已落紅。鴈入遠天微。辭柯葉  
子黃兼赤。西吹迅。滿徑紛飛。自是餞秋時候。君  
休不醉言歸。

### 登攝山

空山一磬響。清秋疎雨晚風收。携將詩趣從何  
去。芒鞋疾。千仞峰頭。酣臥六朝烟草。自稱文采  
風流。○胸涵巨壑與高丘。興到每孤遊。斜陽客

棹來如織。邦江去。一水悠悠。巖背龕燈弄暝。老僧取境偏幽。

晚行

蘆花如雪度江來。石岸冷蒼苔。十年行役輪蹄困。青衫上。寸許黃埃。殘炤歸鴉認樹。寒風客子貪杯。○挿天峰出晚雲開。遙望亦危哉。高懷欲就終難就。今宵夢。定繞峰隈。忽見芳梅破臘。可堪節候頻催。

婆羅門引

客況

一官淡矣。可。知。心。更。淡。于。秋。爽。然。天。地。虛。舟。計。  
客。陽。平。半。載。酒。病。間。詩。愁。笑。紛。紜。書。簿。幾。付。東。  
流。○。隙。駒。怎。畱。霜。已。落。冷。松。楸。採。菊。欲。簪。衰。髻。  
却。自。含。羞。幾。時。歸。去。學。山。翁。重。作。習。池。遊。還。怕。  
聽。鴈。過。南。樓。

途次

江東何處。楊花千里雪中行。逢山不識何名。覺  
與胸中丘壑。意致一般清。便相看莫逆。暫駐車  
聲。○新詩已成。誰和韻。有倉庚久矣。吾廬吾愛。  
卿自爲卿。而今雖出。寧須問。明日裏陰晴。但只  
是松菊關情。

新荷葉

咏桃花

學種河陽。幾年成樹生花。君不必將玄都觀裏

高誇艷陽偷眼。一千株。遠接晴霞。芳菲三月。偏他占斷春華。○春酒須賒。春風還亂如麻。莫逐溪流。問津怕有漁槎。多情子美。愛深紅。又淺紅。耶。香腮却似。那人立在窻紗。

金人捧露盤

初夏

燕將雛。鶯作叟。出鱗魚。淮流上一棹遲余。葛巾芒屨。寧須彈鋏。悵無車。新荷宛在。豈非君子人。



與。○其中葍。其根藕。曰菡萏。曰芙蕖。屈指算名。  
目。羸餘。伊渾不解。只將香艷倚澄虛。輕絺薰透。  
竹篙撐。耐可徐徐。

百媚娘

冬日卽事

布被裹身冬暖。養就騷人興嬾。底事下床檐日。  
滿。夢裏煙霞拘管。客到休嗔迎候慢。此地忘梳。  
盥。○寂寂松亭竹館。殘雪猶畱堪玩。萊甲自鋤。

還自灌小摘不嫌相款。茶竈又燒泉石畔。香徹  
盧仝碗。

剔銀燈

秋夕

衰葉樹頭難繫。稍覺秋山失勢。鴈字書空。漁歌  
藏岸。暝色又投檐際。柴門獨自。千峰萬壑中間  
閉。○西炤雖沈霞繼。卜得明朝還霽。居壁炎天。  
依床寒月。蟋蟀也知循例。猿啼鶴唳。燈剔盡今

宵無寐。

驀山溪

人日

今朝陰否。未曉將天卜。是日顧名思。要做出最  
靈眉目。子何人也。嬾慢度年華。非病酒。卽耽詩。  
詩酒生涯熟。○盆蘭開未。葉底微含馥。賀節客  
方稀。且暫閉梅窻竹屋。春懷拍拍。再過兩三朝。  
猜燈謎。賞燈宵。算我風流獨。

千秋歲

夏景次謝無逸

老紅銷砌。幾個初篁細。梅子墮。鮪魚起。燒園榼。  
火赤。疊沼荷錢翠。茆堂靜。羲皇伴我匡牀睡。○  
茗是山人寄。硯倩家僮洗。蟬響振。槐陰裏。冷淘。  
羞短筴。袒裸懸輕袂。西沼退。酒船爭駕秦淮水。

御街行

訪隱

青山行到深深處。身向雲中去。幽人一屋住泉  
邊。繚繞飛蘿芳樹。塵界事情。無須話向。不解其  
間故。○桃花屋後栽成圃。蘆葦編籬護。深紅相  
間。淺紅開。似沒有東風妬。布景都佳。高懷可想。  
古貌渾如塑。

何滿子

春日

懷抱無些個事。乾坤更幾番春。嫩韭香膠忻小

有呼童折東招隣興。到自歌自舞。酣來何主何賓。○微雨生花靨笑。東風展柳眉顰。上巳報言。明日到山中美景良辰。看蝶欲尋莊夢。聞鶻休過天津。

一叢花

送別

海東霞彩泛金鰲。送客曉雞號。元龍湖海標千載。看君氣不減伊豪。頭插花枝。口吹楊柳。一路

醉春醪。○昔年相伴野僧寮。風雨笑談高。○慚余  
衰相連朝見。應酬臥竹塢。蘭皋雲翼新成。霜蹄  
快發。我輩豈蓬蒿。

桃園春飲

一杯一杯復一杯。杯亦太勞哉。桃花織就山園  
錦。看千樹掩映樓臺。宿雨猶含。朝霞應妬。雙燕  
剪將來。○朱顏倏忽白頭催。遮莫玉山頽。屏間  
珮響藏歌妓。頻呼喚。始露香腮。賸有吟情。携將

鞍上歸路細敲推。

秋泛

短船閒弄老秋光。兩岸野花黃。羣峰一抹如煙，  
淡峰尖上紅染斜陽。藕葉香乾，葦條色瘦，昨夜  
裏微霜。○釣竿雖下與魚忘。雲水是吾鄉。浮萍  
帶得楊花性，隨風浪東舞西翔。欸乃騰聲，聊當  
唾涕，天地響鏘鏘。



秋佳軒詩餘卷五

金陵易震吉月槎藟

濮水南洙源岸覺點

鵲橋仙

七夕日

小樓秋到新涼風灑。今日曬書真好。家閒幼女  
白如霜。五六歲穿針乞巧。○買瓜買果齊催齊  
笑。擬看填河鵲鳥。雙星待暮兩情濃。想此際纖

耕停了。

七夕

無憑此事。有情此景。休道癡兒騃女。一年一度  
始相逢。不暇聽人間私語。○曙光將散。幽懽未  
已。玉露金風。楚楚巫陽。那得鵲成橋。更說甚朝  
雲暮雨。

中秋

流光如箭。輕身似羽。今夕中秋過也。都言光滿

兔兒肥。好直上雲中捉下。○市頭餅熟簾前人  
拜。佳節金陵瀟灑。賞心到曉。要如泥。須吸盡一  
千餘罇。

壽某隱居

松扉荻岸。黃花翠竹。人在畫圖中住。杖端沾酒  
壽先生。携一榼走些山路。○入門興發。小童清  
侍。紫氣堂前圍護。下階今日老君來。仔細看猶  
龍態度。

雲松巢

烟椽霧瓦新蒼老。翠問此孤茅誰構。前時應住  
野鳩兒。今讓我閒身來就。○山光水色凝眸都  
是。君子居之何陋。人寰俯瞰亦卑哉。休問彼雲  
翻雨覆。

其二

松依雲立。雲迷松醉。有箇閒人旁觀。高堂廣廈  
只容身。可似此一枝深處。○卜居無力。擇鄰多

事走上峰巔。雄據終朝，作伴老繙衣。每採得山  
芝來茹。

見山中雪屋

老天揮灑。北風吹送。一夜青山非昨。黃茅斗大  
壓將傾。想內有袁安睡着。○梅花相傍。厨烟未  
舉。此景不無蕭索。但將白雪比黃金。亦未許黃  
金勝却。

咏梅影

其他相笑。矧他偏好。最愛當頭一箇。疎枝冷蕊。  
上窻來。這薄紙愁他觸破。○鉛華無染。丰姿非  
乏。何故清癯太過。問渠不語。倍傷神。豈受了雲  
寒雪餓。

其二

粉牆如幅。夜蟾如墨。淡寫數枝而已。細看方認  
是梅花。牆面上稜稜瘦矣。○孤燈剛滅。三更初  
報。移却清光那裏。橫斜。又在小窻紗。要斗帳玉

人驚起。

其三

寫花相舛。寫枝難肖。汝占花魁真否。要知添雪  
倍精神。故此日畫家束手。○月臨窗外。汝移窗  
上。一段精神來陡。凝眸畢竟瘦三分。豈學這窗  
間詩叟。

人日對友客舍

草堂安在。題詩堪寄。此事今朝曾有。思歸奪却

許吟情。休三復。花前鴈後。○椒觴頻舉。雪花飛下。新歲欣來故友。素屏遮座。轉生寒。報戶外大幾如手。

贈祝

佳哉風日。入門數武。聽得畫堂懽笑。神仙中人。便是君。更緯膝都無凡調。○公侯滾滾。多因積善。枝葉與根相肖。諸郎豈肯早微休。看不日鳳璫丹詔。



飲秋月下

舉杯邀月。月臨杯側。風露一天秋淨。鄰家老樹。  
桂花開。牆隔着。送來香影。○云胡不樂。百年今  
夜。而況更長漏永。無妨痛飲到天明。待有桂人  
家來請。

山行

朝烟暮靄。山青水碧。果爾須臾百媚。賞心無物。  
可相酬。也只是付之一醉。○筇兒孤挈。鞋兒雙

軟。一日過橋幾次爲何乘興又歸來。尋不見雲  
中那寺。

喫茶

古來七碗。人人知道。詎止肌清汗發。持茶試問  
玉川公。如許快爲何不八。○三杯雖乏。千鍾不  
少。碗裏也應詳察。費工初濬小山泉。湯響處從  
今醉殺。

贈祝

安爲動。王子神充實。高壽定然一百。相君之貌。  
復何如。庭戶外蒼松古柏。○鶯花時候。笙歌簇。  
擁滿座金章貴客。更看玉樹與瑤林。應醉倒琉  
璃琥珀。

春日

嬌鶯忽老。嬌花忽謝。春色豈能長久。莫教風月  
片時閒。快去酌高亭美酒。○長繩大藥駐顏繫。  
目。此事總歸烏有。人生合盡見前懽。千載後孰

知爲某。

某上人房

茶瓜相欸斜。曛辭樹。不覺高談竟日。甘蕉窗外  
綠如油。渾忘却題詩試筆。○名山幾許。向平婚  
嫁。借問甚時纔畢。共公放脚去探尋。總患此烟  
霞痼疾。

送別

氣酣日落西風吹面別酒斟過多少。大鵬九萬

任扶搖。怎肯被山林埋了。○窮愁著述。多多益  
辦。宇宙有君非小。髭絲休歎白連朝。看不日腰  
間黃遶。

### 南山

山情無已。山光無賴。此屐何求不得。南山之南  
却可登。便望見北山之北。○幽崖層疊。飛流界  
道。一簇松林如墨。邊頭倘住故將軍。看射虎以  
終年月。

某君五十初度

高秋氣爽。華年聲振。喚我烏藤紫綺。仙之人兮。  
列如麻。因到此。依身隊裏。○休論往歲。好從今  
日。三萬六千伊始。爲君唱箇鵲橋仙。君便道吾  
當傾耳。

將至彭澤

酒杯未罄。柳條相贈。別去故鄉儔伍。楚頭吳尾。  
路中分。彭澤近。瀟瀟春雨。○儻逢陶令。無絃休

問流水高山怎撫。且將伊漉酒名巾。向頭上畱  
心看取。

有感

惓惓一語。告君君聽。這個河清難俟。朱顏日夜  
未如昨。倘可已云胡不已。○不如歸去。數番相  
勸。鳥又叮嚀若此。路塵莫道只侵衣。恐腸胃亦  
難免耳。

元夕客舍

一番晴雪。一番寒月。梅欲盛開還止。風光十里。  
放燈時。怎不憶故園花市。○歲華雖改。酒杯依  
舊。薄醞孤嘗如水。曆頭存案。未曾看十五日昏  
昏過矣。

爲友人壽

如松如柏。多男多福。今日爲公祝壽。酒徒詞客。  
滿高堂。都細看。蹁躑舞袖。○嬌歌急管。金杯銀  
燭。却又一時輻輳。壽星那見。壽頻添。似萬里江



山依舊。

前題

翁今生日。壽翁奚似。休道千紅萬紫。一竿凌雪。  
傲霜筠。環抱着孫孫子子。○堂開畫錦。春明花  
發。致祝文詞滿紙。羨翁却老有奇方。眉宇內從  
來懽喜。

踏莎行

湖堤晚步

似雨岑遙。如年晝永。澄湖一瀉波千頃。人家聽  
慣綠蒲聲。漁船壓碎青山影。○燕愛紅襟。鳥看  
白頭。飛來飛去添光景。夕陽堤上杖藜行。無窮  
葭葦含風靜。

掩屏

生計休營。浮名難永。滄桑改變元俄頃。茶清一  
盞野泉香。月明滿地梅花影。○盆底佳鱗。松間  
瘦頸。堪娛老去閒情景。柴屏雖設不常開。白雲

封處苔痕靜。

秋江旅夜

畫槳姑停。清宵乍永。沙田浪漬無多頃。林間數  
次水禽聲。燈前一箇詩人影。○霧露侵眸。絮袍  
遮頸。小舟收盡霜天景。遙山寺冷不聞鐘。葦花  
側畔秋眠靜。

九日秦淮泛舟

螃蟹膏黃。茱萸色紫。古城根浸秦淮水。繇來赤

東坡詩集  
壁泛三人。此船一派風光似。○近岸漁家。遙岑  
屐齒。大家都醉斜陽裏。溪風無意學山風。不須  
頻整紗巾子。

瓶中殘菊數枝

佳器都陳。素磁尤瘦。如何遣使秋光就。重陽潦  
倒。醉孤巖芳英。折取隨歸袖。○籬落香繁。瓦盆  
色闕。看來几上枝清秀。漫言風景殺三分。霜天  
已到梅時候。

和友人韻

情忍投簪。心慵扣鈕。小鬟只恁驚猜久。折花羞  
戴避花行。步苔失伴隨苔厚。○寸燄挑時。三更  
殘後。幽言低訴還緘口。天涯何日不飄風。郎情  
酷似風中柳。

九日某君詩未成戲嘲

佳節須酬。秋光不再。平常高興今安在。故將鬚  
尾指尖拈。豈因饒字毫端礙。○浪對螯樽。虛携

更袋江風。山月渾無賴。罰依金谷酒三觴。爲君  
天上搜來代。

買得石竹花數盆

是卉堪觀。有情難免。買花錢是春衣典。彩霞一  
道。月輪邊。嫦娥細着工夫剪。○陪用黃護。襯須  
蒼蘚。兩三砂盎藏根淺。鬢鴉斜插最相宜。朝來  
應中佳人選。

秋夕卽事

古堞笳淒。荒檐鐵驟。何山不到秋天瘦。雲林地。  
僻老疴休。花汀晚淨餘酣漱。○收水田禾。打霜  
園柚。野人生事渾依舊。偶無柴火去烹泉。家僮  
解剝松鱗皺。

對雪

濁酒三杯。殘書千卷。開門只見青山變。疎梅圍  
繞晚風花。貧人迴避憂心片。○卧榻應僵。贈袍  
希見。可憐此日無親眷。高吟忻和長公詩。小舟

將發山陰縣。

持舊書賣者

破帽鶉衣。相逢街市。風塵搖落誰家子。手中一  
束。值無多。蠹魚空篋。應饑死。○炤過螢囊。痕經  
鼠齒。何如枕向東窗裏。收時曾散許黃金。而今  
人重黃金矣。

鷓鴣天

朱希真鷓鴣天一闋。俞光祿容自步韻入



關每用原詞一句。余爲效顰。

簡盡曆頭冬又殘。多年破褐着來寒。烘開菜甲  
春初日。露出峰尖雪後山。○心淡遠。性疎頑。酒  
杯詩卷有餘閒。問余踪跡藏何處。流水村西一  
兩間。

其二

獨宿江城蠟炬殘。愛他風雪耐他寒。庭餘枯木  
粧成畫。戶對飛泉界破山。○寧守拙。肯辭頑。水

流。雖。急。白。鷗。閒。入。林。半。載。無。過。訪。朋。輩。相。親。却。  
夢。閒。

其三

一。歲。吟。詩。一。歲。殘。休。論。島。瘦。與。郊。寒。拖。條。竹。杖。  
家。家。酒。駕。隻。蘭。舟。岸。岸。山。○流。不。腐。石。偏。頑。懶。  
情。生。就。合。投。閒。無。端。朝。市。曾。牽。挽。孤。負。鐘。聲。暮。  
靄。閒。

其四

節候相催臘日殘。久晴天氣尚無寒。栽株柏樹  
年年翠。上個籃輿處處山。○真謬妄。果愚頑。趨  
忙如鶩不趨閑。梅花修竹依然在。領略風光向  
此間。

其五

莫放杯乾與炙殘。江梅畱雪弄餘寒。插將疎柳  
追彭澤。焚出沈烟對博山。○添老大。轉癡頑。白  
雲終日伴身閒。興來做箇玄真子。萬頃波光一

釣間。

其六

傍水林梢未盡殘。將春天氣欲收寒。預儲斗酒  
聽黃鳥。蚤辦芒鞋看碧山。○歷少壯。總駑頑。謝  
天教我老來閒。閑門不管非和是。一任風波人  
世間。

其七

縱貴難驅髻髮殘。雖貧不厭草茆寒。池中倒映

千竿竹。屋角斜飛一片山。○迂與腐拙和頑。諸般商度不如閒。道人還了鴛鴦債。酣卧琴書半榻間。

其八

林鳥驚棲識漏殘。霜風啓戶透衣寒。持梳漸慮凝頭雪。著屐無非稱意山。○人鬪捷我耽頑。心中萬事如等閒。微軀每到華胥國。紙帳梅花醉夢間。

春日

塵外空齋掩夕暉。紙屏八摺座間圍。新苔徑滑  
青山屐。怒草烟齊白板扉。○嘗笋嫩。薦櫻肥。桃  
花落盡柳花飛。江村恰賣鱖魚酒。醉倒春風燕子  
磯。

落花

可是芳姿厭蝶蜂。定然風雨恨無窮。誰能抵死  
留枝上。却許多情覓夢中。○香欲散。信難通。妬

伊寧止雨和風也。知群綠思肥滿。故遣殘春損嫩紅。

春暮

風緊飄紅亂砌前。窻筠露灑靜娟娟。一春簡點惟花事。三月醺恣恃酒權。○看乳燕聽啼鵲。漸逢江上綢繆天。遊人逐隊城南去。踏破香隄碧草烟。

雨過

雨脚如絲擁剩雷。清泉手滌試茶杯。羈遲烟出  
林梢重。活脫泥移屐齒來。○消暑氣。淨塵埃。簷  
蛛張網欲恢恢。不巾不櫛慵開戶。狼藉苔痕沒  
了階。

漫興

虛閱春光又閱秋。快謀茅屋住西疇。羲皇以上  
爲儔侶。濠濮之間着想頭。○如是已。復何求。島  
烟嶼雨一綸收。不須更向風埃去。惹得山雲亟



挽留。

雲松巢

覓得雲松構小巢。焚香潛坐玩羲爻。花和月乃  
非常遇。人與山爲莫逆交。○騷雅趣。任吟嘲。島  
僧多事費推敲。寒胸妄擬羅成竹。圖寫新篁一  
萬梢。

元日

銀燭金爐燄未沈。霜天曉角散輕陰。庭聯句頌

新。春。麗。柏。葉。杯。斟。昨。夜。深。○傳。淑。氣。到。疎。林。寒。  
梅。催。著。首。篇。吟。○曆。頭。簡。盡。猶。存。案。不。道。年。光。忽。  
換。今。

秋夕

遠。寺。疎。鐘。響。有。無。樵。肩。荷。暝。出。林。孤。○山。高。月。小。  
猿。啼。樹。江。靜。風。微。鴈。宿。蘆。○胸。豁。達。眼。模。糊。村。  
缸。野。盞。做。工。夫。○莫。愁。家。住。黃。花。岸。借。箇。漁。舟。夜。  
泛。湖。

小齋

霜落江楓冷石城。小齋閒坐俗塵清。空山夜寂  
松杉響。積水秋澄藻荇明。○燒藥竈煮茶鐺。澆  
花拭竹野人情。白雲一片來幽谷。睡鶴翻身出  
徑迎。

詠菊

霜破繁英弄曉寒。欲將香色奪芳枿。滿城風雨  
重陽九。讌客尊罍小徑三。○秋向盡鴈飛南。疎

籬茅舍也。心甘。何因陶宅開偏盛。願就先生二  
劇談。

清涼山

赤浪翻江沸晚霞。歌樓遙認是盧家。樹間樹隱  
前朝寺。山外山飛落炤鴉。○隨去鴈。過平沙。楓  
林霜染似桃花。秋懷不下江天闊。話盡高僧一  
夜茶。

客過

草就玄經歲月多。扣門翻幸故人過。風花側畔  
千留戀。山水中間一放歌。○來野鳥聽云何。似  
呼行不得哥哥。愛眠邊老攤書榻。嬾畜羲之費  
墨鷺。

初夏

急雨初收漏夕陽。清流如玉度池塘。花疎石瘦  
何須富。雲嬾烟遲不解忙。○蕉展碧。麥翻黃。薰  
風吹入讀書堂。東鄰樹放蟾光出。竹影千竿又

上牆。

蝶戀花

春日

久困簿書寧有趣。瞥見花枝。簾外東風度。堤柳  
又畱烟雨住。啼鶯細說春緣故。○寶鼎試焚香。  
一炷。忙裏偷閒。閒裏光陰暮。白髮數莖皆自誤。  
幾番草碧王孫路。

本調

蝶戀花。耶花戀蝶。花蝶相迷。春占枝頭絕。嬌翅  
晴熏成軟貼。粉香勻染紅腮頰。○妬殺蜜蜂將  
蕊竊。日晚風酣。此際渾難別。只到夜深還睡熱。  
露華休浸輕衣褶。

壽友

花谷紅分黃鳥嘴。三月風光。卮酒斟來美。携得  
新詞剛半紙。祝君福壽多男子。○世事好將棋  
局比。一朱爭雄。渾被機心使。勝負到君都是喜。

聽其自然而已矣

和友人韻

晚鬢亂雲慵去整。消瘦香肌。寬褪羅衣領。蟲響  
依階人甫靜。月明不肯藏孤影。○愁緒橫牽還  
井井。牽過黃昏。一縷成千頃。何日鴛帷娛舊枕。  
拋人細把根因審。

人日立春

過了今年剛七日。突兀春光。闌進幽人室。自別



舊交心若失。吟情空抱窓間膝。○百紫千紅開  
去密。雨雨風風。此事還難必。肯負青皇初應律。  
膽瓶聊插梅枝一。

其二

馬去昨朝誰與管。春未來時。昨夜微風煖。車騎  
到門投刺返。主人迎送年來嬾。○半百將臨雙  
鬢短。醉月酣燈。何不先籌算。記得去年懷抱散。  
此時已結遊山伴。

其三

春若無人春亦惱。恰在今朝天與人相好。冰泮  
小池明翠藻。游魚軟尾浮來了。○病起新年仍  
潦倒。寒向春驕慢卸。昨冬襖得氣最先應有鳥。  
賞燈之後聽他叫。

其四

此日題詩追適也。不道驚春有似驚秋者。昨日  
土牛今日打。人間萬事皆虛假。○臘酒尚浮新

歲。罌。與。客。醉。歌。合。向。梅。花。下。垂。柳。溪。頭。情。意。灑。  
東。風。已。把。寒。梢。惹。

其五

人。日。春。來。相。值。巧。春。自。年。年。人。每。經。春。老。昨。夕。  
隣。缸。曾。醉。倒。扶。歸。却。過。三。更。了。○新。歲。推。敲。新。  
句。好。枕。上。朦。朧。也。夢。池。塘。草。休。似。年。時。人。事。擾。  
春。來。還。恐。春。歸。早。

其六

忽換年光殊可喜。不道春光攪入年光裏。九十  
爲期還屈指。從前六日皆虛矣。○風雨憂愁難  
禁止。一半相妨。一半無多耳。秉燭宵遊良有以。  
遊來應自今宵始。

其七

幾度將春梅下訊。冷落南枝。却怪無音信。今日  
韶華爭上髻。東風可是教人認。○賸有杖頭君  
莫吝。沽取村釭。酒量因年進。江上青峰微雨潤。

衣裳要向峰巔振。

南鄉子

楓門嶺

怒草拂征鞍。飛路盤空度嶺難。一陣天風消酷暑。高寒。片雨銜村向下看。○烏柏葉初丹。暫掛絺衣樹上單。客髻塵途幾十載。摧殘。何日青山老謝安。

旅況

黃葉亂秋天。行旅愁生日暮鞭。素壁酒家圖老  
叟。神仙爾亦眉頭不展焉。○古驛又孤眠。冷月  
休教到枕前。只怕嫦娥饒有意。相憐。酬謝將詩  
詠一聯。

秋夜

寂寂似孤僧。百蟲聲裏坐秋燈。暗想塵中名與  
利。堪憎。聚就人間狗和蠅。○百尺已高登。還臥  
元龍上二層。相識每言天下滿。何曾。笑拍洪崖

是好朋。

落花

占斷小園姿。曉雨催粧細染脂。似解西施終出  
嫁。如期。一夜東風不守枝。○開落故相隨。長日  
惟教課酒卮。費盡周旋誰箇也。蜂兒從此芬芳  
入夢思。

旅宿

路草入眸荒。病葉癰花半着霜。投館有聲撓客

思。剛。剛。十。月。寒。蛩。伏。枕。傍。○輕。醉。不。成。鄉。官。燭。  
燒。殘。見。月。光。風。自。何。來。偏。颯。颯。西。方。吹。得。今。宵。  
分。外。長。

春暮

玉。砌。臥。紅。僵。燕。子。猶。來。話。短。長。愁。緒。難。教。纖。手。  
理。堪。傷。又。聽。鶉。聲。哭。一。場。○可。惜。此。殘。香。流。水。  
東。風。愈。渺。茫。好。向。壚。頭。謀。晚。醉。吳。娘。舊。欠。新。逋。  
總。未。償。



秋日爲友人壽

獻縷值高秋。甚物堪爲老友酬。只有桃存王母處。難求。妙計無如暗去偷。○叢菊晚香稠。折取芳枝當酒籌。搖動舞衣紅燭影。歌喉更解畱人醉。畫樓。

途雨

急雨趨驚雷。巨點如錢亦怪哉。前路盼村村沒影。風催。官裏馳驅這一回。○止渴又無梅。肩輿

疲夫汗滴腮。獨有老農傍視笑。看來心事令人  
冷若灰。

春日

春畝覆烟平。細麥柔桑次第生。丈許遊絲牽挽  
徑。輕輕欲把尋芳客面縈。○潭水映花明。身在  
紅粧鏡裏行。擲柳嬌鶯啼數遍。新聲。鼓吹詩腸  
別有情。

道上有感

古道劣風吹。初歸楚潰師。新鬼煩冤舊鬼泣。淒其二月垂楊未掛絲。○邑吏急租時。夫苦頻咎婦鬻兒。遺堞敗垣隨處是。何之。僮僕持錢覓馬遲。

無題

門閉草茸茸。茉莉香殘晚髻鬆。一幅雲山休展看。重重郎隔雲山更幾峰。○端望拆書封。豈入洪喬手。肉壅片月似窺羅。袂綻情慵甚。日偎燈。

理線縫。

其二

欹枕夢春饒。惱殺窗前噪午蜩。驚起病眸何所見。芭蕉。遮住人兒不可招。○葉上又瀟瀟。蔦地微涼觸絳綃。料得秋聲應徹夜。無聊。辦着孤燈帶淚挑。

臘日晴

臘日暖融融。繞屋梅花已放紅。若使今年無雪。

煮真窮。井水難堪置碗中。○拍手學兒童說甚。  
愁吟獨老翁。砍得松柴三兩束。烘烘。又是蕭然。  
一歲終。

途次

驛路走殘冬。可怪塵將客面封。枕上幾聲蝴蝶。  
杳晨鐘。僧在遙岑雪在松。○茅店暫相容。野老。  
逢予兩不恭。沽取卯時杯子酌。香濃。倦馬寒沙。  
策去慵。

連理枝

晚炤

晚炤葵花卷。村巷羊牛踐。低牆故好。山雲易度。  
樹深椽淺。掩荆扉。鎮日送迎無臥。寥寥一犬。○  
衆木憑烏選。遠岫因嵐辨。風月情多。高吟快弄。  
豈容姑免。漸霜楓如錦。列郊原。把清秋。仍餞。

蟬噪

蟬噪槐陰盛。風裏聲無定。山居忘暑。素瓷芳茗。

飛泉石磴看苔痕。一雨小階滋。恐埋吾鶴脰。○  
醉是山林政。吟本風騷性。種竹堂前。新叢妨露。  
也須開徑。梵宮遙。清響度峰來。恰殘陽一磬。

### 倦馬

倦馬長途跛。客意孤征惰。一肩行李。無它長物。  
詩囊藥裹。笑人間。萬事費經營。要如何則可。○  
楊柳村邊驛。野老溪頭坐。小雨催昏。投林鳥急。  
驚枝墜果。望遙空。突兀聳奇峰。却晴雲數朶。

野鳥

野鳥行如跛。醉客吟還惰。吾廬小小雲窩窟。  
山包水裹愛王猷。種竹數竿兒曰無君不可。  
花插瓶肩鞞。船向波心坐。細雪輕絺清尊對客。  
浮瓜沈果。采菱人。歌曲颺風中。宛紅蓮一朵。

病僕

病僕筇扶跛。老婢蛩驚惰。先生無事閉門高枕。  
巾長不裹。晚涼新。寧復擇佳醪。但醺然便可。



草蔓羅裙。繡窗小蒲團坐。乍換秋光。似嫌黯淡。  
結些紅果。怪西吹。昨夜戰池荷。見花皆半朶。

秋夕

棲嶺僧鐘遠。帶月樵擔晚。紅塵擾擾。掉頭一去。  
入林不返。撫幽懷。麋鹿儘相知。只多方學懶。  
烟護筠松館。草滑羊牛阪。茗戰須雄。巖泉吸盡。  
寧論七碗。見秋燈明滅。點村遙。愛山籬短短。

旅況

水邊尋菊。聞鴈悲鄉遠。看菊逢秋晚。露凝芳草。不堪猶碧。王孫未返。作家書。偏不似詩文。每拈毫興嬾。○  
一榻清風館。雙屐黃泥阪。睡已成魔。茶堪攻治。嫩香盈碗。怕歸來。相見故人時。笑如麻。髮短。

搖艇

映酒溪花赤。○  
搖艇春流碧。○  
賣魚人過。鮮腮貫柳。兩三壯鯽。○  
恰囊存。杜老那青銅。○  
且醺然永夕。○  
世事今非昔。○  
相戰渾如奕。○  
我只盟鷗。○  
溷伊群內。

居然一隻看當頭。飛鏡落波心。離吾杯幾尺。

無題

眼裏人兒可。手裏針兒墮。帶羞移步。金蓮偏緩。  
就苔成坐。看花前。戲蝶恁雙雙。有誰來伴我。  
我被愁如鎖。撇我人應禍。我告天公。天渾不管。  
那人何所。病腰肢。真个不禁風。願狂吹休播。

元日

春意先歸柳。春味初嘗韭。兒童競勸家翁。今歲。

頻斟壽酒。見庭梅搖動。兩三枝。是東風來。隄。○  
月。閨。經。寒。久。老。去。追。懼。後。耐。可。携。棋。無。妨。寄。語。  
鶯。移。谷。口。便。從。今。辦。就。上。元。燈。執。鼉。皮。在。手。

祝友

老。桂。堆。金。粟。芳。氣。薰。銀。燭。畫。堂。秋。爽。神。仙。人。坐。  
悠。然。聽。曲。況。明。蟾。光。映。舞。裙。新。醉。深。杯。醺。醺。○  
寶。篆。餘。烟。馥。翠。管。清。音。續。玉。樹。凌。雲。兩。行。階。下。  
知。君。願。足。祝。長。生。寧。直。壽。千。年。還。添。些。福。祿。

群岫

群岫朝烟互。野水涼雲度。庭前苔草解留古意。  
更延幽步。愛山園結屋。却無多止。栽些嘉樹。  
杯憶霜花助。花被秋陰悞。有客過從棋還一局。  
香還一炷。待重陽頭上。共簪萸。走龍山舊路。

秋卉

秋卉生園雜。暑斂人辭筵。短籬隙地。蔬肥夜雨。  
好呼兒拍。喜年來。安放這閒身。有琴書半榻。

笑落叅軍帽。學荷劉伶鋪。蒼翠幽巖。烏藤時引。  
青鞋漫踏。看游雲。一縷欲何之。向前峰。白塔。

### 老屋

老屋疎鴛瓦。密雪寒燈灑。爐灰細撥。溫來濁酒。  
春生瓊筯。正梅開。香入紙窗。櫺似孤山隱者。○  
風樹搖烏下。詩句呵毫寫。老矣松筠。亭亭戶外。  
有聲來也。待佳朋。乘興泛舟過。話吾齋一夜。

### 綠壯

綠壯林鶯嬾。紅褪山峰欵。稚荷疊翠。新浮野水。  
試開亭館。恰昨朝客惠雨前茶。喫盧仝七碗。○  
秉燭嫌宵短。種菊憂春旱。白髮瀟疎。回思往事。  
故人應罕。喜甘蕉忽拆一緘書。且臨池搦管。

拄杖

拄杖雲巖冷。欹枕風軒靜。老梧一葉。將秋墮下。  
聲鳴金井。住深山莫遣授衣遲。怕寒生俄頃。○  
來客非邀請。載酒尤徼倖。缺缶頽尊。休嫌簡率。

山中器皿共陶然。坐待月華生。看扶疎桂影。

錦纏道

冬日卽事

疎樹如秋。試數葉兒多少。帶餘霜衆鴉偏噪。老夫着起年時襖。竹杖斜拖。行到壚邊早。○笑昏昏半生。恁般懷抱。看羣兒尚爭梨攫棗。莫言春意遲遲。便侵凌雪色。牆底還萱草。

其二



戰退寒威。全賴甕餘春酒。愛梅花小齋前後。齋  
中久矣。藏詩叟。癖月耽風。裝滿吟囊口。○正黃  
柑薦香。尊前堪剖。任雙輪每東奔西走。日昨都  
道陽生。這石泓須洗。泚裏冰開否。

其三

梅蕊封香。恰似天慳春信。躡殘苔向花頻訊。晚  
風吹散寒鴉陣。野雪霏霏。竹外聲淒緊。○對遙  
峰更孤。淺流徐引。客相邀把綿裘忙振。江南臘

酒殊佳。愛盤中滋味。還有西江筍。

其四

拄杖敲冰。要看潛魚出水。古堤長幾條荒葦。閒  
身棲暖茅齋美。謝得朝曦。日掛疎檐嘴。○憶袁  
安臥時。朔風宵起。笑今人每千求無已。前山晴  
雪猶畱那。茶烟僧舍。何處沾塵滓。